

摘藻堂四庫全書薈要

史部

欽定四庫全書薈要

史部

硃批諭旨卷一百二十六之四

詳校官編修臣繆晉

欽定四庫全書薈要卷八千四十三

史部

硃批諭旨卷一百二十六之四

硃批田文鏡奏摺

雍正三年二月二十九日河南巡撫臣田文鏡謹

奏為仰懇

聖恩逾格榮封事竊臣一介庸材仰沐

聖主隆恩不啻天高地厚涓埃未報時切悚惶焉敢越

分妄求仰冀

曠典但臣伏查雍正元年十二月二十二日恭逢

恩詔內開一從前

恩詔後陞職加銜之職銜給與封典等因欽此臣於雍

正元年八月初十日荷蒙

聖恩由內閣侍讀學士署理晉藩洊至河南布政使近
又蒙

皇上特旨補授河南巡撫雖考之品級布政使係二品
副都御史係三品等次似有不同而論夫官守實

與陞職加銜之

詔欵相符臣曾祖田有功曾祖母高氏寧氏祖田養濟
祖母王氏因臣父田瑞年在日曾為兵部督捕司
員外郎加一級同母于氏於康熙六年十一月二
十六日恭逢

恩詔俱受過三品

誥封臣同妻蔣氏在監察御史任內於康熙五十二年三
月十八日恭逢

恩詔受過四品

誥封今臣蒙

皇上隆恩稠疊優渥臣曾祖父母祖父母父母尚未因

臣追贈同邀

盛典犬馬私忱難以自己伏冀

皇上洪慈垂念臣巡撫任內有荷蒙

聖恩特加三級之

異數仰懇

隆恩免加賜臣之三級格外

欽賜榮封三代

誥命俾臣曾祖父母祖父母父母得以均沾

聖澤共沐

恩光則臣有生之年皆銜結之日矣臣不揣冒昧繕摺
奏懇伏乞

皇上俯賜

睿鑒謹

奏

該部議奏

同日又

奏為敬抒謝悃據實奏

聞事雍正三年二月二十五日臣齋招家人回豫恭捧
皇上硃批諭旨到臣跪誦之下不勝感激涕零自問
何人疊荷

聖主隆恩多方教導有加無已臣即鞠躬盡瘁總不足

以圖報萬一也臣前

奏糧驛道沈廷正辦漕節省銀兩原係應克公用之
項而沈廷正實不敢絲毫入己情願歸公似應留
充公用今復據沈廷正摺報有貯存道庫康熙六
十年分河內濟源等縣折徵漕穀價銀共一萬四
千九十二兩零共應買穀二萬三百六十二石零
前據各縣係照該年時價徵收解貯今亦照依時
價如數採買尚餘銀七千四百五十六兩零現貯

道庫亦情願歸公等語臣查前項剩存銀兩俱係

仰蒙

豐年價平採買餘銀既歸公矣倘遇稍歉之年價長須
皇上至德感孚五穀豐稔因而價值平減採買有餘均
添則當如何亦不可不慮及總在爾秉公酌量而行
應留為公用又候選道盧官保臣前委署糧道復

經委署南汝道臣留心試看為人老實難膺監司

之任今南汝道佟鎮赴浙散賑事竣已經回任而

盧官保適有丁憂之事似應聽其歸旗臣俟取結

報到之日另疏具

題再臣前

奏鞏縣知縣鄒峽臣正在繕疏

題叅間適據該縣詳請休致到臣似應行令布政司
委驗取結另疏具

題理合一併覆

奏仰祈

聖鑒謹

奏

知道了

同日又

奏為敬陳積年被水地畝仰祈

聖鑒事竊查豫省臨河各縣地方自康熙六十年伏汛
水漲暨雍正元年秋水漫溢將納糧地畝或流成
支河或變為鹽鹼或因水去沙停無可種植以致
錢糧積欠完納無期臣於雍正二年九月初三日
在布政使任內曾經繕摺具

奏荷蒙

硃批諭旨極係應題之事但宜查勘明確毋令不肖官吏得以高下其手欽此臣遵即悉心諮訪除祥符汜水原武等縣勘不成災外惟陽武封丘中年三縣被水獨甚民力艱難臣隨密諭開封府知府孫蘭芬親詣各該地方逐一履勘去後茲據查覆前來臣查陽武封丘中年三縣共被水淹沙地四千七百餘頃每年共應納錢糧二萬五百餘兩共計鹽

陂地七百一十餘頃每年共應納錢糧三千一百餘兩自康熙五十九年起至雍正二年止計民間積欠水淹地畝並鹽陂地畝錢糧共銀五萬八千餘兩日事嚴比終無完納之期伏思

皇上御極以來宵衣旰食無時無刻不以民生為念自應恪遵前奉

諭旨據實具

題然臣又思小民疾苦在所當恤而

國計攸關亦宜熟計且豁免與緩徵均出自
聖主隆恩並非臣下所敢冒

奏但三縣被淹地畝現在不能播種伏乞

皇上敕部諭臣查

奏使沿河百姓咸知感激

天恩其三縣積年拖欠錢糧或容臣

題請分作四年每年帶徵一年或將中年縣未經漫

口以前所欠康熙六十六十一暨雍正元年錢糧

一萬九千四百餘兩在於雍正三四五三年內帶徵其雍正二年未完錢糧一萬四千餘兩陽武縣未完康熙六十六十一暨雍正元二兩年錢糧共銀一萬一千餘兩封丘縣未完康熙五十九年尾欠暨六十六十一雍正元二兩年錢糧共銀一萬二千餘兩仰懇

聖恩俯賜寬免以甦民困至於陽武封丘二縣雍正三年并以後錢糧臣查據被淹地畝自雍正二年霜

降後現已涸出崖岸二三四五尺高不等臣隨諭
令該地方官設法用力堵築凡進水之處俱已斷
流日漸乾涸將來地畝俱可照舊耕種民力稍舒
完糧自易其三縣鹽鹼地畝實係不毛之地須俟
十餘年後地氣減淡方可種植照舊輸糧今或輕
其賦稅改為下則仍諭小民各熬硝鹼以完

國課或容臣將每年共應納錢糧三千一百餘兩徑
行

題請豁免以廣

皇仁洪恩出自

聖裁再查中牟縣被淹地畝內有沙深不能種植之地
一千二百六十餘頃每年應納錢糧五千二百餘
兩雖多方勸諭並無分毫完納伏乞

皇上恩賜暫行豁免其沙深一二寸至三四寸不等之
地共九百七十餘頃每年共應納錢糧四千五十
餘兩尚可置備牛隻將地耕深使下面之土翻上

與沙攬和一二年内仍可種麥種穀照舊納糧臣
查耕地必須牛具小民被水之後衣食尚且維艱
焉能置辦耕牛仰懇

皇上將雍正三年應納錢糧

恩賜暫行寬免并可否將豫省貯存克公銀內酌量動
支借買耕牛分給各貧民儘力深耕仍將牛價限
以二年內歸還司庫至應納錢糧自雍正四年為
始照舊如數完納庶沙淤地畝不致永作曠土而

於

國計民生均有裨益矣再臣更有請者豫省修築堤
工地多被壓而沿堤納糧地畝又因掘取土方創
成坑塹不能耕種難免賠納錢糧應否俟大工告
竣之後容臣逐一查明另疏入

告以上各項臣恐煩瀆

聖聰謹擇其大畧繕摺具

奏其中尚有未詳之處恭候

聖諭命臣具題之日分析

題明仰祈

聖鑒謹

奏

所奏俱悉候另有諭旨

雍正三年三月初三日河南巡撫臣田文鏡謹
奏為遵

旨據實覆奏仰祈

聖鑒事雍正三年三月初一日接准部咨據副總河臣

嵇曾筠具

奏管河道陳世倬不發錢糧預備物料一案欽奉

皇上硃批諭旨該部嚴察議奏速行文與田文鏡動河南司庫錢糧五萬兩交與嵇曾筠速速相機料理俟鎮調補管河道陳世倬問田文鏡如可用調補南汝道如無可取發回交部嚴加議處堤岸少有疎虞將嵇曾筠亦議重處欽此轉奉到臣除遵即檄飭布政

使楊文乾將司庫錢糧動撥銀五萬兩解交副總
河臣嵇曾筠作速相機料理外茲臣伏查豫省今
歲桃汛較之去年雖屬稍大仰賴

皇上福庇堤工俱各平穩而加幫大堤工程合計已完
九分之數其餘未完一分於四月初旬俱可告竣
至於豫省歲搶修工程例由河臣於年內秋汛後
勘查確估會同撫臣具

題預辦料物貯工俟

題准部覆至日動支司庫錢糧移交河道今雍正三年歲搶各工錢糧經副總河

題請於司庫內先行撥銀五萬兩及時分發備料臣

於雍正二年十月二十七日准副總河移咨到臣

或飭令河道先於河庫銀內借支或將加幫大堤銀兩通融給發臣隨咨覆副總河令其轉飭河道先於河庫銀內查係何項可以借支酌量給發并檄飭陳世倬先行通融動支而陳世倬過於慎重

不肯一起給發臣恐貽誤當經屢次面諭令其速

發續據陳世倬冊報於雍正二年冬間連前署道

楊守知任內暨該道接任後共先發過本年歲搶

修銀二萬二千六百六十七兩零又於雍正三年

正月起至二月二十六日止共陸續發過本年歲

搶修銀二萬三千五百五十六兩零其餘銀兩向

例留為夫工土方之用俟各屬開工之日再行發

給等情到臣據此臣查此案應需銀兩已發過四

萬六千二百二十三兩有零矣至陳世倬招怨之處因伊前

奏加幫陽武大堤等工加一節省之外不用部費應再扣加一節省存貯道庫以備急需而從前印河各官做過工程銀兩並未扣存陳世倬欲急於歸公完伊

奏請之案將從前已發者槩行嚴催因各屬未據解交將現在未發銀兩竟行扣存以致沿河州縣紛

紛具詳臣因此項銀兩只可催追不便扣除如徑
行扣除恐承築各官藉詞不敷貽誤工程關係重
大隨經嚴行批飭并面諭該道令其如數給發俟
工完查明之日如有應追之項另行催追仍移咨
副總河臣嵇曾筠轉飭并檄飭布政使楊文乾嚴
查在案而陳世倅又見前署道楊守知任內錢糧
東那西扯紛雜混亂竟致無可交代業經臣批飭
嚴查另揭叅追陳世倅以為前車之鑒亟欲徹底

清釐絲毫不肯苟且寬容大招衆怨此副總河臣
嵇曾筠所以有道員掣肘偏執乖張之

奏也然臣細察陳世倅到任未久每於進見之時聽
其陳稟河工段落以及堤岸緩急似乎胸中無不
熟悉只因該道小心過甚惟恐河庫錢糧一有未
清沾累及已不肯稍為通融且膠執書生意見凡
出納之間自信操守廉潔又恐各屬冒領浮銷居
心行事俱在苛刻一邊以致衆怨攸歸遇有緊急

誠恐不免貽誤今蒙

皇上逾格隆恩不即加擯斥從寬調補南汝道以觀其
後效又蒙

皇上以陳世倅之可用與無可取詢臣臣伏思進退臣
工出自

皇上天恩臣何人斯焉敢冒昧置喙然臣受

恩深重圖報無由惟有酌量地方之繁簡人才之短長
據實上

聞稍盡以人事

君之微忱至於南汝道管轄南陽汝寧二府汝光二州
及二十九州縣地方遼濶壤接吳楚甚屬緊要可
否將陳世倬調任南汝道之處伏候

聖裁倘蒙

皇上賜恩准其調任復容臣再加逐細察訪如有不自
悛改實心報效上負

聖恩之處臣再另摺奏

聞恭疏

題叅緣奉

諭旨事理除另疏具

題外合先繕摺覆

奏仰祈

睿鑒謹

奏

陳世倅朕亦尚在眷惜但此番掣肘似屬有意措帑誤

工非奉公招怨被衆捏陷之可比汝斯言謬矣調任南
汝容伊改悔日新實為逾格寬恩候題本到日有旨
雍正三年三月十七日河南巡撫臣田文鏡謹
奏為據實奏

聞仰祈

聖鑒事竊查豫省今歲麥苗內有開封府所屬一十四
縣自本年正月二十四日得雨之後迄今雨澤愆
期風霾時起麥苗之上間生旱蟲其細如塵非人

力所能撲滅詢之土人云係久旱而生每年常有
得雨便消臣據報隨即竭誠步禱并轉飭各屬一

體祈求如指日得有甘霖可望一半收穫又彰德
衛輝懷慶河南四府所屬暨陳鄭許禹四州并所
屬各州縣亦覺稍旱至於歸德汝寧南陽三府所
屬以及光汝等四州并所屬各州縣於二月初十
暨十七等日雖得有微雨然尚未霑足豫省雨澤
愆期皆臣不能仰體

聖心誠求民隱奉職無狀所致罪何可逭除痛加刻責
猛自修省外所有被旱情形誠恐道路之口傳聞
失實以致上廕

聖懷臣不敢不據實奏

聞謹

奏

昨於十九二十等日京都得雨滂沱兩晝夜連陰至四
五日不意竟未普遍直隸南四府尚欠透足則豫省自

未沾膏澤也為此朕甚憂之茲於二十六日親詣

時應宮專為河南祈禱汝亦率屬竭誠修省以仰冀

天慈

同日又

奏為仰懇

聖恩格外賞給養廉以廣

皇仁事竊查豫省巡撫學政司道暨知府同知通判州

縣各官仰蒙

聖主隆恩概行賞給養廉以資薪水似此

曠典誠千古臣工未有之遭際也臣又何敢復置一辭

上瀆

聖聰但臣查據司府首領以及州縣佐貳典史巡檢驛丞等官品職雖微均有贊勦助理之責況蒙

聖恩准其保舉卓異而直隸各州州同州判復照府佐一例督緝責有攸歸且恭逢

皇上宵衣旰食勵精圖治正人人思奮之時此等微員

亦不無才識明敏廉潔自愛之輩其如官卑俸薄
衣食無資兼之時有檄委奔走疲勞未免甘心自
棄流為寡廉鮮恥之徒殊為可惜臣伏思

皇上體恤臣工無微不至倘蒙

聖恩格外垂憐一體

賜給養廉自必咸感

皇仁恪遵

功令而於吏治民生均有裨益矣除司府首領以及

佐雜教職等官議給養廉細數另繕清摺恭呈

御覽外再查汝州一州前經撫臣石文焯議給養廉銀

二千兩今陳許鄭光陝禹六州新分直隸均有承

督盤查之責前議支給養廉銀一千兩較之汝州

數不畫一今請將汝州養廉減去銀五百兩陳許

等六州加給銀五百兩每州各給養廉銀一千五

百兩并首領佐雜教職等官於雍正三年耗羨銀

內酌量給發之處臣不敢擅便理合具摺請

旨謹

奏

此等作為在爾地方督撫大吏斟酌可否耳朕不便特諭意謂佐雜微員百人內未必有一二卓越者與其培植若輩莫如加增州縣養廉俾得從容展舒況從前已降恩旨命微員俱得一例卓異保舉正當觀其涉厯清苦果否砥礪志行安分固窮若於其中拔出數員始可為真實材具今照所奏量加資助此際自當感激思奮

強勉修飾恐進階之後未必不隨境遷移也斯論未免稍近於刻爾等試細加籌度毋即以朕諭為是遂乃中止也

更慮者此非止行豫省之事倘遇他省耗羨不敷將從何分惠亦不得不一思及至於直隸六州僉有承督盤查親民之責增給之議實屬允協

同日又

奏為據實奏明仰祈

聖鑒事竊查唐縣叅革知縣關敞行賄一案前據學臣王國棟轉傳

上諭臣即於雍正二年十一月二十日將關敞行賄實情據實

奏明在案茲臣伏查關敞用賄行求原因該縣有未報隱地而起但查豫省隱地一項臣曾經繕摺奏懇寬其已往止令造報當年陞科荷蒙

聖恩允臣所請臣遵即密諭各府州轉飭各屬令其盡

數開報母得絲毫再隱嗣據關敵於詳揭後未經
叅革之前亦經造冊報明而臣前詳撫臣石文焯
委員盤查各屬倉庫詳內以及檄委前護汝寧府
信陽州知州李廷基文內並未入有并查隱地之
語若一經叅究誠恐已報者張惶驚恐而未首者
勢必盡皆隱匿此撫臣石文焯於題叅本內所以
止據現首之銀兩并南陽府知府何煜詳揭虧空
行賄繕疏入

告也茲據各官審擬招解到臣臣訊據闕隙固不敢將
隱地供吐而李廷基又恐節外生枝自取罪戾亦
不敢以闕隙有未報隱地指證臣若嚴加究詰則
與原叅情節不符而部臣遵照律例駁查不免枝
牽蔓引竟成大獄茫無歸結之期臣伏思

皇上仁德如天恩膏普被凡有血氣之倫莫不均沾
聖德而忠厚愚懦之闕隙或亦仰邀

洪慈者也臣謹照依原叅款蹟并各犯供吐情詞具

題然臣仰沐

應如是辦理其中情節已悉

皇上委任深恩其中前後實情不敢不另摺具

奏再查信陽州解任知州李廷基其人小有才情賦性實多貪鄙臣察訪款蹟正擬繕疏

題叅間接准部咨知李廷基借欠原任山東撫臣李

樹德銀一千五百兩解任追賠

臣

若再行

題叅之舉爾雖中止李廷基亦須痛自改悔消弭其事

題叅使天下人聞之必盡以臣為刻薄因而中止罪

若職迹彰聞至不可掩則當仍行糾劾

何可逭所有李廷基實非循分之員理合一併奏

聞謹

奏

覽

同日又

奏為據實覆奏仰祈

聖鑒事竊臣前奏撫臣石文焯支取養廉一摺荷蒙

聖諭所奏已悉爾等督撫兩司亦不必矯廉過於清苦
百凡總宜合乎情理之中只要還朕一當字而已欽

此臣反覆誦繹似此浩蕩

隆恩即千古帝王體恤臣工未有如是之深且渥也但
臣伏查臣等食用荷蒙

皇上天恩於本任內俱各

賜有養廉已自用之不盡現今大小各官莫不感激

聖恩人人思奮臣等實不敢矯廉致有絲毫清苦至於

撫臣石文焯所請養廉自雍正二年九月初一日

起至十一月二十六日止應得欽奉

石文焯此項銀兩既據援旨移文到豫彼時即可以照
聖諭全賞銀六千九百一十一兩零已准撫臣石文焯
數給發矣伊因淹遲至今未獲支領甚有怨爾之言朕
觀其意一者為此二者亦欲將與爾不睦情景顯露於
朕蓋恐翻騰伊之舊事吹求瑕疵預作借口地步耳將
奏河臣齊蘇勒委送到
此諭與楊文乾同看共發一笑須知朕胸中具如是明
金龍神廟銅碑誠如
鑑凡有作用皆屬無益惟任真據實始能永邀朕之見
聖諭不能厯年久遠今聞齊蘇勒因查勘堤工於三月
重也

下旬可以到豫臣俟其到日謹當恪遵

諭旨面同齊蘇勒商量斟酌若可更改即另換石碑理

合一併覆

奏伏祈

睿鑒謹

奏

知道了

雍正三年四月初二日河南巡撫臣田文鏡謹

奏為遵

旨覆奏仰祈

聖鑒事雍正三年三月十四日臣准河北鎮臣紀成斌
來咨內開二月初一日具摺

奏懇

聖恩賞借藩庫銀八千兩製造各營步兵盔甲大小員
弁分年捐俸還項奉

皇上硃批諭旨捐俸抵還則弁員殊覺苦累爾言之田
文鏡令其詳議具奏請旨等因欽此到臣臣伏讀之
下仰見我

皇上睿慮周詳無微不至而

體恤營員兵弁不啻天高地厚茲臣查據鎮臣紀成斌

咨稱鎮標八營步兵止有開封一營舊有盔甲然

亦皆年久損壞其餘七營歷來並無盔甲不足以

壯軍威等語似應如鎮臣所請設局製造至於果

否應需八千兩之數臣再移咨鎮臣令其逐一據

實確估絲毫毋得浮冒俟估計到日或即在雍正

三年耗羨銀內動撥移交製造之處臣不敢擅便

伏候

聖裁緣准轉傳欽奉

諭旨事理理合繕摺覆

奏請

旨遵行謹

奏

此議好照所請行應助伊修整者

同日又

奏為遵

旨覆奏仰祈

聖鑒事竊臣於本年三月二十五日前赴武陟縣地方

金龍神廟會同河臣齊蘇勒副總河臣嵇曾筠於三

月二十七日卯時開光巳時恭上

御書扁額臣見

敕建廟宇極其精工壯麗豫省士民莫不感頌

皇恩歡呼雷動其廟內銅碑已經磨洗光明建亭豎立

伏候

御書碑文到日遵即恭鐫臣隨向河臣齊蘇勒轉傳

聖諭據齊蘇勒回稱先前原要購覓石碑因近境並無

堅固好石訪之別省更覺運費甚多再查石碑原

估銀六百餘兩今用銅鑄止用銅八千餘觔價銀

未解

朕意

九百餘兩較之石價所增無多是以照依石碑式

樣鑄成銅碑一座巍立碑亭之中頗壯觀瞻且銅
質堅固自可經久不致發銹朽減至於應否用石

用銅之處再具摺

奏請

聖明指示等語除河臣齊蘇勒會同臣合詞另疏具

奏外合先繕摺覆

奏仰祈

聖鑒謹

奏

如碑尚未成自應用石若業已鑄成難言不用銅矣當

茲各省開爐鼓鑄錢文銅觔每慮不敷何必作此無益之費兼恐將來啓人效法之端也

雍正三年四月初三日河南巡撫臣田文鏡謹奏為恭報得雨日期分寸以慰

聖懷事竊查豫省自本年正月得雨之後雖據各屬報稱間有時雨均未霑足而開封一府所屬內多沙地旱乾尤甚經臣繕摺具

奏今仰賴

皇上敬誠感格於四月初三日卯時起至午時止省會

四野得沛甘霖入土已有四五寸不等現今尚未
晴霽麥穗勃發至於已種秋禾盡皆滋長即未種
地畝亦乘時可以播種士農工賈預卜西成羣歌
聖德歡呼之聲遍於四野臣職任封疆不勝歡忻抃舞
之至除各府州縣俟查明具報到日容臣另摺具
奏外所有開封一郡得雨日期分寸合先繕摺奏

聞以慰

聖懷謹

奏

覽奏朕心雖為少慰但未及深信恐有粉飾耳一切總
宜據實不可微涉虛偽爾於此事從前已屬奏遲地方
上甫覺缺雨時即應將情形具奏以聞也

雍正三年四月十三日河南巡撫臣田文鏡謹
奏為恭謝

天恩仰祈

聖鑒事竊查豫省各屬自入春以來雨澤愆期臣於雍

正三年三月十七日繕摺具

奏於本年四月初五日據臣齎摺家人回豫恭捧
硃批諭旨朕於二十六日親詣

時應宮專為河南祈禱汝亦率屬竭誠修省以仰冀

天慈欽此到臣臣伏讀之下仰見我

皇上愛民之深憂民之切豫省一隅偶爾稍旱即上厯
聖懷躬親祈禱考之千古史冊實所未有臣與豫省士

民正不知何修何幸而躬逢

聖主共沐

天恩至於如是之深且渥也但臣伏查豫省汝寧府所屬各州縣因離省甚遠臣一時未及查明乃近據各屬報稱於三月二十一二等日大沛甘霖自三寸起至七八寸不等四野均沾今四月初三日開封一府所屬各縣得雨四五寸不等臣已於本月初三日謹先繕摺奏

聞茲復據彰德衛輝等六府所屬及鄭汝等七州并所屬各縣報稱於四月初三日已得大雨亦有報稱於四月初五初六等日得降時雨自二三寸起至六七寸不等二麥盡皆勃發已種秋禾俱各滋長未種地畝亦皆種植此皆我

皇上至誠祈禱因而上格

天心豫省久旱之後得有甘霖普降可望西成

臣復將

皇上特為河南祈禱雨澤

隆恩向司道各府州縣宣揚令其轉諭百姓臣適會同
欽差部臣查勘地畝見士農工賈以及黃童白叟莫不
感頌

皇仁咸歌

聖德至於沿途所見得雨入土分寸與各屬所報無異
再查豫省二麥統計各屬惟開封一府所屬麥苗
間有枯槁今自得雨之後於四月十一日省城又
得微雨并有報稱得雨至二三寸不等之州縣臣

隨沿途乘便驗視雖其中豐歉不一然合計一府
所屬竟可望三四分收成彰德衛輝懷慶河南四
府所屬暨鄭陳許禹四州并所屬各縣被旱甚淺
尚有五六分收成其歸德南陽汝寧三府所屬及
光汝等三州并所屬各縣間有微雨地畝滋潤可
得七八分收成所有豫省仰沐

皇恩躬親祈禱得雨日期分寸理合繕摺

奏謝伏乞

睿鑒謹

奏

豫省雨水情形及二麥收成分數果能如是耶但須據實絲毫毋得隱飾

同日又

奏為據實覆奏仰祈

聖鑒事竊臣前奏佐雜教職等官養廉一摺奉有

硃批諭旨臣遵即細繹不覺猛省復與布政使楊文乾

再三籌畫實屬無益之舉即內有督緝等官亦似不便支給致有參差至於直隸各州既蒙

聖諭僉有承督盤查之責增給之議實屬允協欽此似應將汝州一州減去銀五百兩支給養廉銀一千五百兩陳許鄭光陝禹等六州自應照給汝州之甚當

數每州各給養廉銀一千五百兩臣已檄飭布政司遵照矣又臣前

奏撫臣石文焯所請養廉臣因事關動用庫項不敢

擅專所以必待

奏請然後支給不意石文焯即借此事心懷嫌怨幸蒙

皇上洞鑒無遺明白指示感

恩之涕不覺自零臣隨謹遵

諭旨將

硃批捧出與楊文乾同看深仰我

皇上至聖至明絲毫不爽因共相勸勉終始惟恪守真

實二字以副

好應如是
聖懷又臣前

奏信陽州解任知州李廷基一事荷蒙

硃批諭旨臣伏查李廷基又因虧空汝陽縣叅革知縣
鍾鐸世名下貯存府庫銀兩已經臣

題叅奉

旨革職現在審擬究追若更察有穢迹臣再續行
凡事總期於公亦不可過為嚴刻
題叅又臣前

奏

金龍神廟所鑄銅碑奉有

聖諭臣已欽遵與河臣齊蘇勒面同商酌復據齊蘇勒
會同臣具摺覆

奏仰祈

已另諭齊蘇勒矣
聖鑒謹

奏

覽

雍正三年四月十四日河南巡撫臣田文鏡謹

奏為恭報雨澤以慰

聖懷事雍正三年四月十三日臣接准部咨欽奉

諭旨著行文河南山東兩省巡撫得雨即令馳驛來報

欽此到臣伏讀之下仰見我

皇上心周部屋念切民生

聖恩浩蕩誠千古史冊所未有除本年四月十一日以

前闔省各屬所得雨澤臣於四月十三日業經繕

摺奏

聞茲臣伏查豫省又於四月十四日寅時雷電交作大沛甘霖臣隨委員分路查勘四郊高窪地畝入土四五寸不等此皆我

皇上至誠上格因而時雨滂沱萬民胥悅除通飭各屬確查得雨日時分數飛報到日再繕摺具

奏外所有近省得雨情形合先繕摺奏

聞謹

奏

覽奏朕之憂懷頓釋但恐仍欠透足頃十七十八兩日
澍雨如注仰瞻形勢想應

上蒼普沛膏澤豫民稱慶矣果爾即速奏聞

雍正三年四月十七日河南巡撫臣田文鏡謹
奏為恭報雨澤以慰

聖懷事竊豫省本年四月十四日近省得雨分寸情形

臣欽遵

諭旨即於本日先行繕摺奏

聞嗣據開封等八府暨鄭許等七州并所屬各州縣報稱於四月二十四等日得雨一二寸至三四寸不等茲於四月十七日巳時起至酉時大沛甘霖現今大雨尚猶未止臣隨登高遠望見密雲四布雨澤普徧臣復委員分勘雨皆盈尺四野霑足民心大悅歡呼雷動此誠我

皇上躬親祈禱精誠上格之所致也臣不勝歡欣感激

之至再臣伏思我

皇上德盛治隆嘉祥駢集今次雨澤諒直隸山東亦自
必普徧民歌樂歲至於豫省各屬除離省遙遠之
州縣檄飭該地方官立即確查得雨時日分數飛
報到日臣再繕摺具

奏外所有得雨十分霑足情形理合繕摺馳驛奏
聞仰慰

聖懷謹

奏

覽奏知豫省得雨十分霑足欣慰之懷莫可言喻我君
臣真堪同慶也

聞年羹堯前於二月間用車二十輛裝載細軟由潼關
一路運往河南不知交卸何處或寄頓紀成斌署抑或
藏匿他所確訪奏聞至紀成斌雖係年羹堯之所保薦
朕觀其人未必甘心為作鷹犬毋逆詐更毋挾私誣陷
細訪其居心行事秉公實奏以聞密之

雍正三年四月二十五日河南巡撫臣田文鏡謹
奏為敬陳愚悃仰祈

聖鑒事竊臣一介庸愚仰沐

皇上特達之知畀以巡撫重任毫無報效時切悚惶乃

幸蒙

聖主隆恩於河南布政使員缺

特簡楊文乾補授自該司到任以來臣見其才識明敏
操守廉潔實非尋常可比且與臣協力同心共圖

報效殊得臂指之助臣不勝感激歡欣踴躍抃舞
今臣於本年四月十八日接准部咨欽奉

諭旨廣東巡撫員缺著楊文乾補授等因欽此到臣臣
伏讀之下仰見我

皇上至聖至明至公至當而楊文乾具有恩威並濟之
才俾得展其所長實能仰體

聖意正已率屬愛養黎元為一省之保障但愚昧如臣
甫得賢良贊勸助理又一旦陞補他省臣不免勢

處孤立借資無人清夜環思不覺悚惶憂懼更深
覆餗之虞矣嗣據闔省士民張成等具呈懇留臣
因楊文乾係奉

旨特陞之員從無

題請留任之例不敢冒昧具

題所有微臣委曲私忱暨士民愛戴情形理合繕摺
一併奏

聞謹

奏

豈有阻人晉秩開府而強欲保留原任之理可謂笑談
矣

朕所賞鑒之才品大抵不致差謬從前熟識人中因故
舊情殷稍失於偏或未可定

同日又

奏為據實覆奏仰祈

聖鑒事竊臣齋摺家人回豫捧到臣覆

奏

金龍神廟內銅碑一摺欽奉

硃批諭旨如碑尚未成自應用石若業已鑄成難言不用銅矣當茲各省開爐鼓鑄錢文銅觔每慮不敷何必作此無益之費兼恐將來啓人效法之端也欽此

臣伏查此碑久已鑄成磨洗光明及奉到

諭旨之日又業經建亭豎立嗣臣於本年三月二十五日
前赴武陟縣地方向河臣齊蘇勒轉傳

聖諭據齊蘇勒回稱實因近境並無堅固好石所以鑄
成銅碑等語今蒙

皇上諄切指示臣又轉傳

已據齊蘇勒奏明矣

聖意令齊蘇勒再加斟酌又陽武封丘中年三縣被水
地畝仰蒙

皇上軫念民艱

欽差戶部侍郎臣托時來豫會同臣逐畝履勘宣布

聖德見沿途士民莫不焚香俯伏感頌

皇仁歡呼之聲徧於四野而托時查勘地畝又極清正
若不如是何能查勘明確
公當臣不敢壅於上

聞理合繕摺具

奏伏乞

睿鑒謹

奏

覽

同日又

奏為據實奏明恭請

聖裁事竊臣於雍正三年四月二十二日接准部咨奉
旨胡期恒寬其徒罪發與田文鏡河南堤工効力贖罪
如抗違耽延發黑龍江當差等因欽此即於本日據
刑部筆帖式傳敏將胡期恒押解到臣臣隨一面
咨會正副河臣一面將胡期恒檄發布政司轉發
管河道撥工効力外復據胡期恒回稱期恒罪當
即誅今蒙

皇上天高地厚之恩

賜以寬典此身如同再造感激難名今現帶有盤費銀
四千兩聽候先行兌收河庫動撥應用業又差人
往各處設法湊辦効力贖罪圖報

天恩等語臣查胡期恒既帶有銀兩似應責令親自雇

不可

夫辦料分工修築但臣又思河工關係緊要胡期
恒甫到工所未必遽諳河務且係効力贖罪之人
復恐呼應不靈所關匪細臣再三籌畫可否將胡

亦何須伊奔走効力但令其自出已資備辦物料可耳
期恒發與緊要工所責令奔走効力其所帶銀四
千兩飭貯河庫以備應用并嚴飭胡期恒作速竭
力湊辦交納贖罪如敢抗違耽延臣再另摺具
奏是否有當伏乞

皇上指示遵行謹

奏

覽

同日又

奏為據實覆奏仰祈

聖鑒事竊臣齎摺家人回豫捧到臣

奏報雨澤一摺仰蒙

硃批諭旨覽奏朕心雖為少慰但未及深信恐有粉飾耳一切總宜據實不可微涉虛偽爾於此事從前已屬奏遲地方上甫覺缺雨時即應將情形具奏以聞也欽此臣伏讀之下悚惶無地寢食靡寧但臣伏查豫省各屬於雍正二年十二月內頻降瑞雪十分

需足本年正月二十四日以前又屢得雨雪地土
滋潤迨至二月下旬惟開封一府所屬各縣內有
高地及沙多薄地始覺稍旱而低窪地畝暨彰德
衛輝等七府所屬并陳許等七州以及所屬各州
縣則猶待雨未殷也後自三月初間開封所屬各
縣尚無雨澤風霾時起臣即竭誠祈禱於三月十
四十六等日始據通許尉氏等數縣報稱高坡地
畝於麥苗之上間生蠹蟲臣即於三月十七日繕

招具

奏隨據開封所屬各縣報稱於三月二十二二十一等
日已得時雨雖未霑足而所生蠶蟲俱已淨盡臣
於三月二十五日赴武陟縣辦理公務隨沿途查
勘麥苗見祥符陽武等縣沙多土高地畝有受過
蟲傷之麥苗間有枯萎臣復於四月初二日據實
奏

聞荷蒙

聖恩特為河南雨澤

躬親祈禱精誠所感上格

穹蒼即於四月初三等日豫省各府州屬俱得時雨今又
於四月十七日巳時起至十八日寅時止闔省均
得大雨十分透足節經臣繕摺馳

奏茲臣細查各府州所屬二麥歸德南陽汝寧三府
所屬及光汝陝三州并所屬於二三月內實得過
雨二三次竟有八九十分收成之州縣其彰德衛

輝懷慶河南四府所屬暨陳許禹鄭四州并所屬

被旱原淺可得五六分收成惟開封所屬之祥符

陳留陽武封丘中牟尉氏蘭陽通許洧川等九縣

并界連開封懷慶府屬之武陟原武修武暨鄭州

并所屬滎澤一縣內多沙土高地覺有旱乾然自

連日得雨之後雖所收豐歉厚薄不一合計收成

尚有三四分四五分之數臣前據祥符等十一縣

具報并臣前赴武陟縣據武陟鄭州滎澤三州縣

士民具報亢旱臣隨檄發布政司委員確查詳報
去後但臣沿途所見二麥雖間有枯萎而實穎實
粟之麥苗正復不少臣恐耳目未周豐歉難以懸
定又慮小民希圖停徵免糧捏詞混報更慮不肖
州縣欲沽虛名詳報不實復遴選能員四路分查
如果有成災之州縣臣自當核實具

題如較豐年止不過數處畧為歉收即不成災臣亦
加意撫恤斷不敢使小民乏食稍有一夫失所今

開彰懷衛四府所屬各州縣已蒙

聖恩將貯存截留漕米二十餘萬石平價糶賣而常平

等倉穀石復有存七糶三并春借秋還之例

臣已

檄飭照例借糶在案現在米糧價值日漸平減出

賣者甚多小民已不憂艱食況時值麥秋多有收

穫而已種秋禾盡皆青葱暢茂未種地畝亦盡皆

乘時布種萌芽滋長總之臣受

恩深厚自

簡畀以來一切俱係據實入

告從不敢絲毫虛偽粉飾倘或少存不肖之心偶有一
事苟且一字涉虛臣恐

聖恩雖寬亦難自問於夙夜矣至於

奏報少遲之處

臣

因三月初間開封所屬及河北三

府實不覺甚旱且臣伏思

皇上日理萬幾宵旰不遑為臣下者苟遇地方畧有旱
潦即張大其事冒昧入

告以致上廩

聖懷亦大非人臣愛

君之誠矣此臣所以於三月十七日具

奏實屬犬馬私忱因致稍遲罪何可逭嗣後惟有恪

凜

聖諭如遇地方纔有水旱之事遵即速行具

奏以副

皇上諄切訓諭之至意為此繕摺

奏覆伏祈

睿鑒謹

奏

朕勤求治理寧辭焦心勞慮雖萬幾叢雜精力猶可應酬所以朝夕乾乾惟恐不知宇內兆民之真實情形耳
雍正三年五月初六日河南巡撫臣田文鏡謹
奏為恭報得雨日期分數以慰

聖懷事竊查豫省各屬自雍正三年四月十七十八等

日得雨霑足之後復於四月二十四二十七二十八等日疊沛甘霖地土益加潤澤今據開封府所屬祥符陳留等一十四縣報稱五月初四日酉時起至初五日巳時止又得大雨四郊十分透足所種秋禾雜糧盡皆青葱遍野加倍茂盛此皆仰賴我

皇上誠求感應因而甘霖普被澤及羣黎臣職任封疆覩此嘉祥不勝歡欣感激之至除飛飭各屬具報

到日另摺具

奏外所有近省得雨日期分數合先繕摺奏

聞謹

奏

據奏雨水接續情形可望轉歉為豐實屬喜出意外也

同日又

奏為遵

旨據實密奏仰祈

聖鑒事竊臣前為保固疆圉起見特疏

題請復設河南營參將并添設官兵分防守禦荷蒙
聖恩俞允嗣准部咨轉行欽遵在案惟是議添官兵處
所俱係險要重地而河南營參將一缺管轄一府
兩州一十七縣地方遼濶防禦最為緊要非得材
技優長諳練營務之員難以勝任臣正欲於通省
武弁中選擇能員

奏請補授間適據河北鎮臣紀成斌轉傳

皇上硃批諭旨俟該部議覆到日然後與撫臣擬定人

缺密摺具奏以聞欽此到臣臣伏思豫省叅遊等官

為數頗多若止於一二標內選擇恐有遺才所以

臣復商之南北鎮臣令其於所屬標下各遴選一

員臣亦於臣標武弁中挑選一員再行妥議酌奪

去後茲據河北鎮臣紀成斌選有分防衛輝營叅

將徐起鳳南陽鎮臣佟世鏐選有左營遊擊王瑞

材俱送臣驗視前來臣亦於所屬標內選有中軍

遊擊馬世龍以上三員臣隨驗據遊擊王瑞材雖
熟諳營務而年已七十似與人地不甚相宜無庸
奏請外惟叅將徐起鳳遊擊馬世龍漢仗弓馬皆有
可觀均堪調補陞授仰懇

皇上於此二員中

簡用一員庶要地得人而臣亦可收臂指之效矣再查
叅將徐起鳳於雍正二年二月內到任遊擊馬世
龍於欽奉

上諭事案內經臣給咨送部現在恭候引

見合併聲明謹

奏

已有旨矣其遊擊馬世龍業經引見朕命楊文乾過豫
時面諭汝知

同日又

奏為恭報二麥收成分數以慰

聖懷事竊查豫省今歲二麥雖間有被旱之州縣分數

畧為減少然幸蒙

皇上軫念民生特為河南雨澤

躬親祈禱精誠上格甘霖疊沛遂使已枯之苗盡皆復甦方秀之禾愈加滋長現今通省二麥俱已登場茲據開封府報稱所屬祥符等一十四縣收成自三四分起至四五分不等彰德府報稱所屬安陽等一州六縣收成自四分起至五六分不等衛輝府報稱所屬汲縣等七縣收成自五分起至六分

不等懷慶府報稱所屬河內等七縣收成自三四

分起至五六分不等河南府報稱所屬洛陽等十

一縣收成自五分起至六七分不等南陽府報稱

所屬南陽等十二州縣收成自五六分起至七八

分不等歸德府報稱所屬商丘等一州八縣收成

自七八分起至九十分不等汝寧府報稱所屬汝

陽等一州八縣收成自七八分起至九十分不等

汝州報稱該州并所屬魯山等四縣收成自六七

分起至八九分不等陳州報稱該州并所屬商水等四縣收成自五六分起至七八分不等許州報稱該州并所屬臨潁等四縣收成自四分起至五六分不等鄭州報稱該州并所屬滎陽等四縣收成自三分起至五分不等禹州報稱該州并所屬密縣等二縣收成自三四分起至五六分不等光州報稱該州并所屬光山等四縣收成自七八分起至九十分不等陝州報稱該州并所屬靈寶等

二縣收成自五分起至六七分不等以上各屬所
報二麥收成分數臣復細加確查惟開封府屬之
祥符陳留陽武封丘中牟尉氏蘭陽通許洧川等
九縣懷慶府屬之修武武陟二縣鄭州屬之滎澤
滎陽汜水三縣禹州屬之密縣內多沙土高地兼
之工本缺乏人力不齊實止三分收成然其中低
窪地畝并料多力勤之地可獲五六分收成泥沙
土瘠地即遇豐年所收亦屬有限似不可遽謂之

成災也臣查

定例被災七分八分者免錢糧十分之二今積年錢糧荷蒙

皇上軫念民艱

特旨分作五年帶徵民力已舒此十數縣些須被旱減收地畝似可無庸再為

題請至於此內或間有乏食貧民臣自當加意撫恤務令得所但臣智識短淺是否有當伏乞

皇上指示遵循所有各屬二麥收成分數理合繕摺據

實奏

聞謹

奏

所奏甚屬周詳明晰知道了

同日又

奏為請停印發紅簿以省無益事竊臣於雍正二年

十月十七日接准部咨議覆條奏內開令直隸各

省州縣將下年徵收錢糧之紅簿於上年十月內
申送布政司鈐蓋印信於開徵前給發各州縣即
眼同花戶登記填發串票上司盤查時即取布政
司鈐蓋印信之紅簿對驗則虧空自難於掩飾矣
等因具題奉

旨依議欽此到臣臣隨檄行布政司轉飭各屬遵照造
送去後茲臣伏查各州縣花戶錢糧一年之內增
減不一各州縣統俟年終彙齊於次年未開徵之

前查明過割數目造具紅簿分月分限按期照數催徵臣前為牧令一十四年知之最確今部咨內令各州縣於上前十月內將紅簿申送布政司鈐蓋印信而此時民間售買地畝尚未過割淨盡促之造送必致遺漏舛錯如將現在過割數目造冊送印則十月以後過割錢糧作何開除如俟彙齊造送則已值開徵印發不及臣查豫省所屬紅簿多寡不等共有二千六百七十餘本布政司止此

銀印一顆除日行事件鈐用外即朝夕印發已屆四月完半之期而紅簿未到之州縣則又無從填註不敢擅自徵收難免貽誤餉需如聽其先立草冊俟發到紅簿另為填註則數月以內並無紅簿該管上司憑何盤查且恐有等不肖州縣即乘此侵那反致虧空臣愚以為各州縣虧空錢糧並不在於紅簿之用司印所貴乎為上司者果能正已率屬分文不取一遇盤查之時或有不肖州縣捏

造紅簿串票希圖掩飾立即查驗批領實在并傳
集催頭花戶及正身經承嚴加訊究仍令其開列
完欠出具甘結與紅簿串票磨對州縣雖甚狡猾
斷不能賄囑闔邑之士民而代為捏飾也如為上
司者或平日受其彌縫收其禮節即有虧空州縣
有所恃而無恐上司亦明知而不問偶或盤查止
不過虛應故事而已雖有司印紅簿實屬無益臣
於豫省錢糧現經檄司轉飭該管上司給發封條

將銀櫃概行封固俟徵有成數詳請委員驗拆隨即督令起解而承委之員復令其出具並無拆多報少如有扶捏情弊願甘獨賠印結送司存查仍嚴飭道府各州照例不時盤查即或不能杜絕虧空竊計監守之員當亦知所警惕矣臣受

恩深重熟計印發紅簿非惟不足以永杜虧空而州縣各官反因此滋擾臣不敢不據實具

奏如果臣言可採伏乞

皇上俯賜訓示以便另疏具

題為此繕摺請

旨謹

奏

條奏內所稱用司印鈐蓋紅簿之說或亦係杜絕虧空
一法但各省民情風俗不同宜否各異要在爾等封疆
大吏悉心斟酌而行耳其據實題覆仍聽部議

同日又

奏為據實覆奏仰祈

聖鑒事竊臣齋摺家人回豫捧到臣於本年四月十七

日恭報雨澤一摺欽奉

硃批諭旨覽奏知豫省得雨十分霑足欣慰之懷莫可
言喻我君臣真堪同慶也等因欽此臣伏讀之下仰

見我

皇上軫念民生有加無已臣不勝歡忻踴躍感激難名

正不知臣與豫省士民何修而仰沐

聖主天高地厚之恩一至於此也至蒙

聖諭年羹堯一事容臣密加確訪一有著落臣即繕摺

密

奏又蒙

聖諭命臣細訪河北鎮臣紀成斌之居心行事臣查據
紀成斌自到任以來臣雖未經會面但細察其文
移及往來字札其人辦事勤敏至居心行事之處
臣尚未深悉不敢妄

奏惟有謹遵

諭旨細加察訪據實奏

聞總之臣受

皇上隆恩至深至渥一切事件無不秉公辦理從不敢

逆詐挾私上負

洪慈此實臣敦篤之誠可以自問於幽獨者也緣奉

聖諭事理合先繕摺密

奏伏祈

睿鑒謹

奏

所奏是朕深為嘉悅

雍正三年五月十六日河南巡撫

臣

田文鏡謹

奏為恭報雨澤以慰

聖懷事竊查豫屬近省於雍正三年五月初四初五等

日續得大雨業經

臣

於五月初六日繕摺奏

聞嗣據開歸等八府所屬及陳許等七州并所屬各州

縣報稱於五月初四初五暨初九初十等日先後
復得甘霖均沾普遍茲又據開封府所屬祥符陳
留等縣報稱於五月十四日得雨二三寸不等又
於十五日大雨滂沱入土一尺有餘四野十分透
足秋禾暢茂士民歡躍咸頌

皇仁此誠我

皇上敬

天愛民精誠感格之所致也臣職任封疆覩此休徵不勝

拊舞之至除俟遠屬申報到日另摺具

奏外所有近省得雨情形合先繕摺奏

聞謹

奏

通省如是透足誠屬可喜之事

同日又

奏為恭報米麥雜糧價值以慰

聖懷事竊查河南省城自今歲二月中旬以後米糧價

值稍覺騰貴幸仰賴我

皇上至誠祈禱於本年四月十七十八等日通省得雨
霑足之後復得時沛甘霖民情喜悅價值日減其
彰德衛輝懷慶三府所屬及鄭許禹三州并所屬
各地方從前米糧價值原較開封府所屬畧為減
少今自得雨以來時價益減至於歸德汝寧南陽
河南四府所屬及光汝陳陝四州并所屬各地方
米糧原未增價今二麥又復豐收較之彰德等府

所屬米糧價值更為平減除各府州所屬時價本
甚平減無庸入

告外茲省會白麥時價每石七錢四分零紅麥每石六
錢九分零高糧每石三錢九分黃豆每石五錢一
分零黑豆每石四錢六分零穀子每石三錢二分
零小米每石五錢五分零黍子每石五錢二分零
理合據實奏

聞仰祈

聖鑒謹

奏

覽豫省米麥價值情形殊為欣悅之至

同日又

奏為據情代奏恭謝

天恩事竊臣據按察使張保詳稱本年五月初九日蒙
頒到

御賜黃匣一箇內貯紫金鹽水等寶錠四種保隨恭設

香案望

闕叩頭謝

恩祇領訖伏念保以一介旗員至愚極陋仰沐

皇上洪恩畀以豫臬重任兩載以來涓埃未報時切悚

惶茲復荷

聖恩特賜寶錠保何人斯邀此

曠典欽承之下不勝感激涕零惟有竭盡駑駘愈堅清

白以仰報我

皇上高厚隆恩於萬一耳所有感激微忱無由上達懇

請代

奏等情到臣查據張保情詞懇切理合繕摺代

奏恭謝

天恩仰祈

聖鑒謹

奏

覽張保詳請代奏情詞知道了當傳諭伊母因蒙朕眷

顧遂迺放恣妄為即照此一念不移做去方好

同日又

奏為據情代奏恭謝

天恩事竊臣接准部咨欽奉

諭旨陳世倬氣高性執支給河帑雖致遲延並無別項
情罪人尚有才且有勉欲做好官之心著補授南汝
道仍行文申飭令伊嗣後勉力盡職務改前非如怙
終不悛定行從重治罪斷不寬宥欽此到臣臣隨行

布政司轉行原任管河道陳世倬接管南汝道印
務并欽遵

諭旨行文申飭去後今據陳世倬詳稱伏念世倬賦性
庸愚不諳河務以致發帑遲延上廩

聖懷罪何可逭乃仰蒙

皇上洪慈不加重處復改授南汝道之職似此
高厚隆恩世倬即捐糜頂踵亦難圖報茲復荷

聖恩諄切訓誨祇遵之下不勝感激涕零自今以後惟

有朝夕恪凜

聖訓痛改前非勉力盡職以仰副我

皇上寬宥殊恩於萬一耳所有世儒感激私忱不能自

已懇請代

奏等情到臣臣伏查道員從無代

奏謝

恩之例不敢冒昧具疏

題奏而陳世儒情詞懇切臣又不敢壅於上

聞謹繕摺代

奏恭謝

天恩仰祈

聖鑒謹

奏

覽代奏情由知道了本章國體攸關應遵定例若具摺密陳諸凡俱可

雍正三年五月二十六日河南巡撫臣田文鏡謹

奏為恭謝

天恩事竊查豫省河工荷蒙

皇上軫念民生不惜百萬金錢大興修築遂使水勢安
瀾黃流順軌變沮洳為樂土登斯民於衽席乃

皇恩浩蕩有加無已復發帑銀於祥符縣之回回寨老
君堂等處挑挖引河並仰蒙

聖恩指授方畧飭建挑水壩一座使水盡歸引河以免
旁溢誠億兆蒙

麻萬世永賴之樂利也今水勢已長正可乘機開放臣
隨諭令河員於本年五月初六日將河頭河尾集
夫挑挖幸蒙

皇上至誠感格河伯昭靈已於五月初七日開放大溜
掣入奔騰東注旬日之內河頭寬有二百餘丈河
身至河尾寬濶相等水勢直下盡入引河舊日正
河兩邊俱已露灘中泓止有三四丈流水亦甚遲
緩人可涉水而過大約不久正河即可盡行淤斷

至挑水壩座亦於五月二十日已經完工其上下
雁翅護崖埽箇之類現在僱工修築指日亦盡可
告竣則是挑挖引河之利不特回回寨等處納糧
地畝可以永保無虞而新漲河灘并可漸施畚插
且與沿河一帶數十村庄以及省城地方均大有
裨益矣茲據回回寨等處居民楊懷義等因引河
已成田廬可保莫不感戴

皇仁歌頌

聖德歡呼之聲遍於四野臣職任封疆幸逢嘉會不勝
歡欣踴躍所有士民感激至切情形理合一併繕
摺奏

聞仰祈

聖鑒再臣伏查南北兩岸加幫大堤各處俱已報竣惟
祥符中年太康等三縣或因工程稍多或因前令
未完每縣尚有數段現在勒限嚴催作速儻築務
於六月中旬告竣合併聲明謹

奏

田廬既永免衝決之虞沮洳復變為膏腴之壤誠屬可喜事也

同日又

奏為敬陳河工錢糧務宜逐案及時奏銷以清款項
仰祈

聖鑒事竊臣伏查河工錢糧雖例得通融支給然一案
有一案之工程一案有一案之錢糧若不及時逐

案奏銷一至年深日久用過物料不無霉爛漂失之虞堤工丈尺亦有淤高墊陷之處工程無憑查驗因而錢糧得以指借紛雜混亂莫可究詰即欲徹底清查而承築經手各官又多去留無定難以追求如責令現任之員清算則又茫然不知頭緒遂致經年累月愈積愈多不特一時奏銷艱難抑且新舊交代不易臣查據豫省未銷工程自康熙六十一年起至雍正二年閏四月以前止不下十

有餘案東牽西扯紛如亂絲臣愚以為各案堤工
內除歲搶二修仍令按年奏銷外其餘一切工程
如做完一工即將此工用過錢糧暨工程丈尺土
方價值樁料數目隨令管河道核算明白立即造
冊詳報河臣撫臣勘明工程會核奏銷不得定以
次年彙銷之限稽遲時日庶新築工程新添物料
一目了然而承築經手之員亦無從指借冒銷矣
至於遇有險工出於意外一時急須搶救不及估

計

題請之項須令河臣一面檄飭管河道動支錢糧委
官搶救一面令管河道報明河臣咨部存案工完
即行造冊申報委官勘明銀工相抵隨即繕疏奏
聞飭部查銷毋得觀望推諉坐失機宜臣為清理河工
錢糧起見偶有一得之愚不敢不據實密

奏伏乞

皇上特頒

諭旨飭令河臣不得拘定次年彙銷之例竟致延擱務
遵照康熙二十八年十月內所定計銀限日奏銷
之例依限逐案及時奏銷如有逾限即

賜飭部嚴加議處如此各清各款自不致年久牽混而
工料現在亦可查核勘驗不致捏造冒銷於河帑
大有裨益矣謹

奏

內有兩款乃係現行之新例餘俱不可此奏殊欠斟酌

矣

同日又

奏為遵

旨據實覆奏仰祈

聖鑒事竊臣欽奉

皇上硃批諭旨聞年羹堯前於二月間用車二十輛裝載細軟由潼關一路運往河南不知交卸何處或寄頓紀成斌署抑或藏匿他所確訪奏聞等因欽此臣

遵即差委奉

發來豫試看候補之侍衛白琦沿途訪查嗣據白琦回稱自潼關一路密訪於本年二月初三日有年羹堯所雇騾車一十九輛住宿河南府大通店由河南府逐程挨查於二月初十日住宿彰德府屬之豐樂鎮聞係載至直隸保定府起卸等語臣復令其再往前途確查并至保定府地方密查卸於何處交送何人據實回覆去後一經查有著落臣再

知道了另摺密

奏再臣伏查河北鎮臣紀成斌臣雖共事一方至今
未經會面茲臣細加察訪該鎮到任半載有餘辦
事尚屬勤敏與百姓亦覺相安第聞其人情性暴
戾居心殘忍兵卒微有怨言臣所訪如是並不敢
迎合

聖意致有欺誑容臣不時再行察訪確實繕摺奏
聞合併聲明謹

奏

所奏紀成斌之處已悉佟世鱗居官何如更訪以聞

同日又

奏為恭謝

天恩仰祈

聖鑒事竊臣前奏河南營參將一摺欽奉

硃批諭旨已有旨矣其遊擊馬世龍業經引見朕命楊文乾過豫時面諭汝知欽此臣正在祇候間於本年

五月二十四日接准部咨欽奉

上諭河南府城守營叅將著馬世龍補授等因欽此到
臣臣跪誦之下不勝鏤心刻骨感激涕零伏念臣
本庸材仰沐

皇上洪慈不以臣為謏劣委任責成至深至切業已捐
糜莫報茲復荷

聖恩垂念地方緊要收回

成命特將馬世龍

欽賜補授非惟要地得人俾臣并獲收臂指之效似此
高厚之恩誠千古未有一時僅見臣遭逢何幸疊荷
恩慈有加無已清夜環思惟有愈竭駑駘永堅清白以
仰報我

皇上知遇之隆恩於萬一耳所有微臣感激私忱理合
繕摺


奏謝為此謹

奏

若不如是委託信任俾爾臨事趑趑何能承流宣化整
理地方但常懷不忍負之心斯已耳何用謝為



硃批諭旨卷一百二十六之四



總校官庶吉士臣侍朝

校對官中書臣孫希旦

謄錄舉人臣吉士璜